

V C
3677



Der Herren Fürsten

4 vnd Stände in Ober- vnd Nider-

Alk. 32^a 3^a

Schlesien Antwort:

V c
3677

Welche sie Ihrer Keyserlichen Mayestät auff Derosel-
ben Proposition/ auß Allgemeinem ihrem Schluß
gegeben.

Darinnen sie genugsam darthun vnd
beweisen/

Vors Erste/ daß diß alles/ was bißhero im
Königreich Böhemb vorgeloffen/ nichts
anders als die Religion vnd dero
selben Turbation be-
langet:

Vnd dann vors Andere/ daß Sie sich vor
schuldig erkennen den Herren Ständen
in Böhemb Sub-Vtraque mit
Hülffe beyzuspringen.



Getruckt im Jahr 1618.

INTECH CRUCIFIRI
MA INDIGIUM 2/31812022
2021/12/20





Sinnach die Röm. Keyserliche / auch zu Hungern
vnd Böhemb. Königl. Mayest. vnser allergnädigster Key-
ser / König / vnd Herz / durch ein Keyserliches Schreiben / bey
Ihrer löblichen vnd Fürstlichen Gnaden / dem Durchleuch-
tigen Hochgebornen Fürsten vnd Herrn / Herrn Johann
Christian / Herzogen in Schlesien / zur Elegnis / vnd Briegk /
Oberstem Hauptman in Ober / vnd Nieder Schlesien / die gnädigste Berord-
nung gethan / eine allgemeine Zusammentunft der sämptlichen gehorsamen
Fürsten vnd Ständen / nach geendetem Fürsten Rechte zuhalten / außzuschrei-
ben / darzu Ihre Keyf. May. gewisse Commissarien abzuordnen / vnd den gehor-
samen Fürsten vnd Ständen etliche Puncte gnädigst vortragē zulassen sich ent-
schlossen. Vnd aber solcher Ihrer Keyf. May. gnädigsten Anfügung zu gehor-
samster Folge / Ihre löbliche vnd Fürstliche Gnade / der Keyserliche Oberhaupt-
man / die Außschreibung anbefohlener massen fortgestellet / Die gehorsamē Für-
sten vnd Stände auch / hierauff in ziemlicher Anzahl erschlenen : Als haben sie
folgens auß der ansehnlichen Herrn Keyserl. Commissarien / der Wolgebornen
Herren / Herren Gundacker / Herrn von Lichtenstein vnd Nicklasburg / auff
Wolfferstorf / Polstorf vnd Regenstorf / Höchstgedachter Ihrer Keyf. May.
Cämmerers / Herren Nicklassen Freyherrns vō Burgkhaus auff Jonsdorf /
Schildberg vnd Petterwitz / Königl. Rahts / vnd Cammer Præsidents in O-
ber / vnd Nieder Schlesien / vnd des Edlen gestrengen Herren / Wenzels vō Zed-
litz auff Schönaw / &c. Keyf. Mayest. Hoff Cammer Rahts / Cämmerers / vnd
Hauptmans des Fürstenthumbs Sagen / neben vbergebung des Keyserl. Cre-
dentialschreibens / gethanen mündlichen Proposition / wie auch auß der vber-
gebenen schriftlichen Instruction / mit mehrern / Ihrer Keyf. May. gnädigste
meinung dahin verstanden / daß nebenst Zuentbletung dero Keyf. vnd Königl.
Gnaden / Ihre Keyf. May. auff das von den gehorsamen Fürsten vnd Stän-
den de Dato Breslaw / des 28. Augusti / gehorsambst abgegangene Schreiben /
in zweyen vnderschiedenen Puncten / weitläufftge Außführung thun. Welcher
gestalt / nemlich Ihre Keyf. May. Vors Erste / vngeacht / wie hoch dero selben
Keyf. vnd Königl. Authority / Reputation vnd Hoheit / durch die Abstürzung
der zweyer Land. Officier vnd eines Secretarij lædiret worden / an Ihrer trewē
väterlichen Vorsorge gar nichts erwinden lassen / damit alle Kriegsentspörung
abgewendet / vnd durch den ordentlichen Weg Rechts diesem Anwesen abge-
holffen werden möchte. Massen sie dann den Ständē in Böhemb / durch öffent-
liche Patenta / vnd zwar mit dieser gnädigsten Erklärung / daß sie bey Ihre Pri-
uilegiis vnd Mayestät. Brieffen geschüzet / auch die entstandene Mißverstände /
durch die in den auffgerichteten Landtags Beschlüssen verwilligte Außträge hin-
geleget / Auch zu dem Ende ansehnliche vornehme Personen dahin abgeordnet
werden solten / nicht eines sondern mehr mahlen solches zuerkennen gegeben / vñ

Darneben ermahnen lassen / die Werbung einzustellen / oder da solche allbereit erfolgt / dieselbe wider zurück zu setzen / Dergleichen wolten Ihre Keyf. Mayest. auch thun: Es hetten aber die Böhmen dieses alles in Windt geschlagen viel mehr trotzig vnd bedrewliche Antworten gegeben / sich auch von Tag zu Tag / der Bearmirung mit Volck gestercket / Dannenhero Keyf. Mayest. verursacht worden / das geworbene Kriegsvolck in das Königreich Böhme fort zuschicken / Wiewol sie sich durch schreiben vnd Patenta / auch nachmaln dahin gnedigst erkleret / Woferrn sie ihren zu lest gehaltenen Erbietten / mit Widereinandwortung des Regiments / vnd der längst begerten Disarmirung / wirklich nachsetzen würden / so wolten sich Ihre Keyf. Mayest. deromassen gnedigst vnd väterlich gegen ihen erzeigen / daß ihre hoch angeborne Key. vnd Kön. Gnade / Güte vnd Mildigkeit / vnd wie treulich es Ihre Keyf. Mayest. mit dero Landen meineten / der ganzen Welt kundt vnd offenbar werden solle: Ehe aber die Böhmen ihr Kriegsvolck abgedancket / vnd sich zum schuldigen Gehorsam ergeben / kündten Ihre Keyserliche Mayest. unbewehrter Dinge / einige Interposition nicht eingehen.

Dann vnd vors andere / daß Ihre Keyserliche Mayest. durch achtzehnen Motiven andeuten / samb dieses keine Religionsache seye / vnd also die mit den Fürsten vnd Ständen getroffene Union nicht angehe / derowegen den gehorsamen Fürsten vnd Ständen nicht gebührete / sich derjenigen so solch unzimliche Exceß verübet / weder auß der Union noch ihren Körperlichen Endespflichten / mit einziger Hülfleistung anzunehmen / alles nach mehrerm Inhalt der in schriften verfaßten / vnd den gehorsamen Fürsten vnd Ständen eingehendigen Instruction.

Nun haben die gehorsamen Fürsten vnd Stände / diese Ihrer Keyserlichen Mayest. gethane außführliche Erinnerungen in reiffe genugsame Betrachtung gezogen. Thun sich hierauff Anfangs / gegen Ihrer Keyf. Mayest. der zuerbottenen Keyserlichen vnd Königlichen Gnaden aller vnterthenigst vnd gehorsamst bedancken / mit trewer Bündschung / daß der Allmächtige / Ihrer Keyserl. Mayest. sampt dero Keyser. vnd Königlichen Gemahlin / allen gewünschten wolerspriechlichen Keyser vnd Königlichen Wolstände / in guter beständiger langwiriger Leibes Gesundtheit verleihen / Auch dieses entstandene Unwesen gnedig dahin dirigiren / vnd demselben einen solchen Aufschlag geben wolle / damit Ihre Keyf. Mayest. aller dieser schweren sorgen / in dero angehendem Keyserl. Alter / gänzlich entnommen / vnd alles widerumb in guter ruhigen Friedstandt gebracht werdē möge. Diesem nach so erinnern sich die gehorsamen Fürsten vnd Stände / was an Ihre Keyserl. May. sie nit allein von Dato des 28. Augusti / auß recht schuldigen / vnterthenigsten / vnd offtmals erkanten / beständigen Trewen geschrieben / sondern auch hiebevorn / durch Ihrer Keyf. May. Reichs Hoffraht / Herren vñ Stralendorff / &c. vnd abermals / durch ihre vornehme Abgesandten / Deroselben zu Gemüt führen lassen: Was nemlich für hohe / grosse / offters auch ganz vnwiderbringliche Gefahr bey solche Empörungen zu befürchte: Wie offtmals bey ganzē Königreichen vnd Fürstenthumben / hierunter die gröfste Veränderung sich begeben / auch wol ganze Länder zurunde aehē: D

ja eufferste Noth / schuldige vnd vnschuldige auf stehen vnd erdulden müssen:
Massen dann ein jeder Krieg/nichtes gewissers / als gänzliche Verwüstung des
Landes / Zerrüttung des Religions vnd Prophan Friedens / der Justiz / aller gu-
ten Constitutionen vnd Ordnungen / Zucht vnd Erbarkeit / auch des Respects
der Vnterthanen gegen ihre Obrigkeit / steckung aller Commerciën vnd Hand-
thierungen mit sich bringet / Vnd kan kein Vamer vnd vnglück so groß seyn / das
nicht hierbey zu verspüren: Derowegen dann aller vnterthänigst gebeten / Ihre
Keyf. May. geruhen den aller gelindesten Weg zuergreifen / vnd solche Mittel
an die Handt zunemen / dardurch alle Zerrüttung vnd Gefährlichkeit möchten
vermieden / vnd die Länder zu Ruhe gesetzt werden: Bevorab / weiln auch etliche
Hochansehliche Ehursfürstliche Heuser / als Seulen des Röm. Reichs / vñ an-
derer pflichtschuldigen trewen vñ Friedfertigkeit im aller wenigsten nit zuweif-
feln / so embsig vñ inständig vmb die gültliche Interposition anhalten / vnd alles
fleisses sich bemühen. Es haben auch die gehorsambsten Fürste vnd Ständ nit
vnterlassen / zu mehrer anzeigung Ihrer schuldigkeit / durch gewisse Abgesandte
bey den Böhmisschen Ständē / daß sie Moderata Consilia vnd billiche glimpff-
liche Mittel nit außschlagen solten / alle fleissige Anmahnung zuthun.

Nun aber ist gleichwol nit allein auß iezo gesetzter Gesandten Relation / son-
dern auch auß etlichen zugeschickten schreiben / auch mündlichen berichten / die sie
durch ihre vnderschiedliche abgeordnete Personē / im mittel der gehorsamē Für-
sten vnd Ständ thun lassen / so viel zu verspüren gewesen: / daß sie sich dahin er-
kläret / sie bezeugeten vor Gott / Ihrer Keyf. May. vnd der ganzen Welt / daß sie
Ihrer Keyf. Mayest. getrewe gehorsame vnd beständige Vnterthanen sein vnd
verbleiben wolten / Daß Ihnen auch die allernädigste Keyf. Resolution / darin
nen Ihre Key. May. angedeutet / durch ansehnliche Commissarios diesem Vn-
wesen abhelffen zulassen / in aller Vnterthänigkeit ganz argenem / vnd mit herz-
lichem Verlangen darauff warteten: Massen sie dann des wegen an Ihre Kö-
nigl. Würde / König Ferdinandum, so wol Ihre Hochfürstl. Durchleucht. Erzh-
herzogen Maximil. ganz beweglich geschrieben / vnd Ihre Key. May. noch wete-
ter zu solchen gültlichen Mitteln zu bewegen / gehorsambst gebetten. So hette sie
auch die von Ehur vnd Reichs Fürsten beschehene Interposition / mit sonderem
Danc beliebet / selbst in inständig durch ihre Gesandten darumb angehaltē / vnd
alles Fleisses sollicitiret / Wie nemlich die gültlichen Tractata mit ehiste zu Werck
gestellt vnd effectuirt werden möchten: Daß sie aber von der auffgerichtete De-
fension / ehe vnd zu vorn sie der gültlichen Tractaten vnd Mitteln / auch Abhelf-
fung der Religion. Bedrängnisse / vnd des Mayestet Brieffes genugsam gesi-
chert würden / nit abstehen köndten / geschehe bloß vnd allein vmb der Fried. vnd
Religion gehässigen feindseligen Rächte willen / derer theils bald anfangs sich nit
allein von dem Mayestet Brieff / sondern auch von der Vergleichung mit denē
Sub-Vna, auch der erfolgten Amnistia, selbst ganz außgeschlossen / vnd dadurch
wie sie gegen denen Sub-Vtraque, vnd dem Mayestet Brieff / affectioniret / mehr
als genugsam an Tag gegeben / theils sonsten an Verwahrung der Religi-
ons verwandten ein herzliches Gefallen tragen / auch wider die Religion je mehr
vnd mehr zu practiciren nit vnterlassen. Vnd ob wol von Ihrer Key. May. an-
gedeutet worden / mit alimvfflichen anedigisten mitteln zu verfahren / vnd diesem

Zuwesen ganz vätterlichen abzuheffen: So weren doch solche derogestalt nicht zu verspüren gewesen/das solche zu abheffung vñ Asssecuration des Religionswesens gerichtet: Massen dan derogleichen in kein Patent noch Außschreibē zu befinden. Vielmehr müssen sie mit sonderem Kumer vnd schmerzen vernemen/das Ihre Key. Mayest. in diese Gedancken gebracht würden / samb dieses keine Religionsfachen weren / das auch die Zurschleiffung der New.auffgebaueten Kirchen zu Klostergrab / auch die gefengliche Einziehung der Vnterthanen zu Braunaw/den Maiesterbrieff mit angienge: Vnd das Ihre Key. May. die Rebellen zum gehorsam bringen wolten: Massen dann bey wehrender Ihrer Key. May. Erklärung/die Stände durch Patenta vor Rebellen erkleret werde wolle: Da sie doch vor G. D. vnd aller Welt bezeuget / das sie Ihrer Key. May. treu sein vnd verbleiben/auch bey deroselben / wann nur ihnen genugsame Asssecuration in Puncto Religionis erfolgere/vnd die schädliche Rächte gestraffet vnd abgeschafft würden/ Gut vnd Blut zuzusetzen/begierig weren: Vnd das auch/in der zeit das Key. Kriegsvolck mit ganzer Heeres Macht einen Weg wie den andern gewaltsamer weiß in das königreich eingefallen/viel arme Leute vnschuldiger weise/vbel vnd jämmerlich vmb's Leben gebracht/vñ also viel vnschuldig Christen Blut vergossen: Darbey dann auch der armen kleinsten Kinder / so an der Mutter Brüsten gelegen/dieses Volck nit verschonet/ sondern dieselben vñ einander gehawen/vnd den Müttern vorgeworffen: Wie sie dann auch viel Flecken vnd Dörffer angezündet / verbrandt vnd in die Aschen gelegt / vnd also mit rauben/morden/plündern/sengen vnd brennen/auch ohne vnderscheid was vor Religionsverwandten solcher Schadē betroffen/seindselig verfahren wordē. Dar durch dan keine gütlliche Mittel in Effectu, sondern endliche Ruin/Verheer/vñ verwüstung des königreichs Böhemb/offentlichen / mit vertilgung vieler vnschuldiger Seelen/zuspüren vnd zuvermercken. Vnd ob wol bey mehrhöchstgedachter Key. May. sie die Böhmischen Stände/nach vnter dem Dato des 29. August. schriftlichen alles vnterthenigsten fleisses gebeten / Weils sie des lieben Friedens begierig weren/Ihre Key. May. wolten den Fortzug des Kriegsvolcks alleine inhibiren / alle seindselige Thätigkeiten einstellen / obangedeute Patenta cassiren/vnd die allerniedrigst angedeutete gütlliche Mittel / durch die Interposition/mit allerel. istem zur Würcklichkeit befördern lassen: So were doch solchem ihren allervnterthenigsten demüthigsten bitten gar nicht statt gethan worden: sondern es befinde sich ganz augenscheinlich / das alles noch in den höchsten Extremiteten beruhe/in dem Ihre Key. May. dero kriegsmacht wid zurück zufordern/ oder einen beständigen Anstandt zumachen / sich bis Dato nit entschlossen / von ihnen den Ständen aber/die Diffarmirung einen Weg als den andern von erst erfolgen / vnd nachmals wegen gütllichen Tractats vñnd Composition eine Erklärung oder Resolution erwartet werde solle/ Auch würde des Religionwesens vnd derer Asssecuration / in gleichen wegen der bösen Rächte/ das wenigste nit gemeldet. Hergegen aber hetten die Stände mit Originalien zu belegen / das die Jesuiten in iren Consiliis nit zum Frieden / sondern zum Krieg rathen theten/ mit vorgeben/ Jesho were die gewündschte Zeit / das Königreich Böhemb vnd die Länder zu vberziehen / vnd sie vmb den Mayestätbrieff/ Religions Freiheit vnd Privilegia zubringen/ Alles nach laut der Stände in Böh.

heimb schriftlich vnnnd mündlich gethanen vnderschiedlichen Ausführungen vnd Berichten.

Welches Ihrer Key. May. die gehorsamen Fürsten vnd Stände Augspurgischer Confession / darumb bey anregung des ersten Puncts der Key. Proposition / was weitlenfftiger vnterthenigst an zudeuten nit vnderlassen wöllen / damit Ihre Key. May. vmb so viel desto bestendiern Nachricht haben möchten / was die Stände in Böhheim gleichwol / auff dieses / daß Ihre Key. May. alle mögliche zu Glimpff vnd Güte gerichtete Mittel vorgeschlagen / vnd daß die Stände solche ihres theils gar nicht eingehen wollen / vor vnt. einwenden theten. Die gehorsamen Fürsten vñ Stände Augspurgischer Confession wolten zwar herzlich vnd ganz trewlich wünschen / daß bald anfangs den Religions Bedrängnissen in Böhmen gebürlichen abgeholfen / die Sub. Vtraque bey dem Mayestät Brieff vnd der vergleichung Sub. Vna geschützet / vnd da sie was zweiffelhafftiges gewesen / beyderseits an gehörige Orte zum versprechen gewiesen / vnd nicht bald ante sententiam mit der Execution / beydes in Zerschleiffung der Kirchen zu Klostergrab / vnd mit gefenglicher einziehung der Vnterthanen zu Braunnawere verfahren / vnd also zu solchen grossen weitauffsehenden Extremiteten vordenen / die vielleicht nit gefallen haben / daß beyderseits Religionsverwandte / in Fried. Lieb vñ Etnigkeit bey samen wohnen sollen / vrsach gegeben worden. Weiln es aber in diesen bekümmerten Zustand numehr gerahen / vnd demselben fügllicher nicht / als durch die anfanges von Ihrer Key. Mayest. vorgeschlagene gültliche Tractata abzuhelfen / auch ganz vnmöglichen scheint / wann man beyderseits auff den Extremis beruhen / vñ durch krtiges Macht dieser sachen ein Aufschlag gegeben werden solte / daß nit das königreich Böhheim / vnd die vnschuldigen Incorporirte / vnnnd andere annahende Länder / darüber gantzlichen zu Grunde erschöpffet vnd in eussersten Verderb gesetzt werden / auch dann schuldige vnd vnschuldige zugleich leyden / vnd in Vntergang gerahen müßten: Als bitten diesem nach / E. Key. May. die gehorsamen Fürsten vnd Stände abermals allervnterthenigst vnd gehorsamst / Ihre Key. May. wolten doch / Ihrer Key. vnd Königl. Gnaden hochangeborne Milde vnd Sanfftmüt nit ganz verschliessen / die vnschuldige vieler Christen / vnd sonderlichen derer Länder / die jederzeit in standthaffter trewherzigkeit / Gut vnd Blut / vnd alle das eusserste / bey Ihrer Key. May. vnd Deroselben hochlöblichsten Vorfahren / willig vnd gerne zugesetzt / allergnedigst behersigen / auch der hochansehnlichen Chur. vnd Reichs Fürsten trewe Intention in gnedigste Acht nemen. vnd zu solchen Mitteln sich bewegen lassen / die zu Ruhe / Fried vnnnd Wolstandt der Länder nützlich / zu Hinzulegung dieses Vnwesens dienlich / vnnnd dadurch den ReligionsBeschwerden gantzlich vnnnd mignugsamer Sicherung abgeholfen werden möchte.

Was nun den andern Punct in der Keyserlichen Proposition anlanget / darinnen Ihre Key. May. durch eiltliche Motiven vnd Ursachen / die gehorsamen Fürsten vnd Stände Augspurgischer Confession anermahnen / daß vngeacht d. zwischen den Ständen in Böhheim vnnnd Fürsten vnd Ständen in Schlesien auffgerichteten Union / sie sich in dieses vnwesen einzumischen / oder mit einiger Hülffleistung den Ständen zu willfahren / nicht befugt weren: Da setzen die ge-

Werden allergnedigst Ingedenck sein / was deroselben sie / so bald die Vnrube in
Böhemb erschollen / Ihren Pflichten nach vnterthenigst zu Gemüht geführet:
Nemblich / daß auß vieler Länder Exempeln vnnnd Historien zu bezeugen / daß
auß schweren Religions- vnd Gewissens Zwang vnd Turbation / vnd sonder-
lich worüber Königl. vnd Key. Priuilegia vnd Concessionen außgegangen / end-
lich nichts anders in einem Königreich vnd Lande zu besorgen vnd zu gewarten /
als desselben endliche Zerrüttung / Verwüstung / grosse Empörungen / Muta-
tiones, vnd der genßliche Vntergang. Darneben so haben Ihrer Key. May. die
gehorsamen Fürsten vnd Stände auch ferner durch viel vmbstende zuerkennē
gegeben / wie nemlich dieses Vnwesen / auß der Religion seinen Anfang vñ vr-
sprung geschöpffet / vnd wie von Jahr zu Jahr die Bedrängnisse vberhand ge-
nommen / daß endlich diese Extrema darüber erwachsen: Vñ dannenhero gehor-
sambst gebeten / Ihre Key. May. wolten allergnedigst dahin verstanen / wie den
Religionsverwandten in Böhmen vnd Schlesien schleunige Satisfaction vnd
genugsame Asssecuration in puncto Religionis erfolgen / dadurch allē beschwer-
lichkeiten abgeholfen / vnd alles widerumb in guten Friede vnd Wolstand gesetzt
werden möchte: Vnd diese ire trewhertzige vnterthenigste Intention desto mehr
vnd ansehnlicher zuerweisen / haben an Ihre Key. May. siemit grossen schwe-
ren Vnkosten eine vornehme Absendung geschlossen / vnd durch die Abgesand-
ten obgesetzte Petition ferner gang instendig vrgiren / auch vmb gute erprießli-
che nützliche Satisfaction zum allerfleissigsten anhalten lassen: Wie sie dann in
gleichem auch den Ständen in Böhemb / durch andere absonderliche Gesand-
ten / daß sie nemlichen schuldig weren / allen Moderatis Consiliis vnnnd Medis
sich zu bequemen / notdurfftige Erinnerungn gethan: Alles zwar zu solchē Ende /
damit in Ihrer Key. May. Königreichen vnd Landen / vnter beyderseits Religio-
nsverwandten aller mißverstande außgehoben / hingegen beständige gute ver-
trewligkeit erhalten / auch zu Ihrer Key. May. selbstem / vnd der Lande / gute Auff-
nemen vnd Wolstand / der liebe Friede vnzerüttet bleiben / vnd die ganz gefehr-
liche einheimischen Empörungen gestillet werden möchten. Vnd damit Ihrer
Key. May. noch vmb so viel mehr klar gemacht werde / daß die in Böhmen ent-
standene Vnrube / auß nichts anders als auß der Religion herrühre / vnd daß
Leute seyn müssen / die offters / bloß vnnnd allem nur auß Reid der Religion / an
Vnrube der Länder gleichsam ein Frolocken haben / vnd solche wo sie wissen vnd
können / stiften vnd befördern helfen: Haben ferner Ihrer Key. May. die gehor-
samen Fürsten vnd Stände vnterschiedlich nach aller Notdurfft gehorsambst re-
feriret / was es vor einen Zustand in Religionsachen / von eilich Jahren hero /
in diesem Land Schlesien gehabt vnd wie schwere Turbationes vnd Bedräng-
nuß die Augspurgischen Confessions Verwandten erduldet vnd ertragen. Vñ
weiln Ihre Key. May. durch iren Abgesandten obgenanten Herrn von Stra-
lendorff / &c. sich gnedigst anbietern lassen / vber der Länder Priuilegien vnnnd
Majestet Brieffen zuhalten / so hetten die gehorsamen Fürsten vnd Stände wol
verhoffet / Ihre Key. May. würden des Königreichs Böhmen / vnd dieses Lan-
des / bey nächster Absendung einhellig vortragene vnd angegebene Religions-
Beschwer / dafür erkandt vnd gnedigst besunden / auch alles dahin gericht ha-
ben / daß zum besten solchem Rath geschaffet / vnd mit gemüßigen

denselben were remediret worden: Bevorab/well Ihrer Key. May. allerniedrigst
bewusst / in was Conjunction vnd Union in Puncto Turbatæ Religionis, die
Stände in Böhmen Sub-Vtraq; mit den gehorsamen Fürsten vñ Ständen in
Schlesien verbunden/vnd wie sie an Aydes statt bey sammen zuhalten schuldig.

Es befinden aber die aehorsamen Fürsten vnd Stände/ Erstlich auß jessiger
Key. Proposition/das Ihrer Key. May. dieses wil eingebildet werden/ Als ob
die Unruhe in Böhmen gar nit auß der Religion herrühren könne / Das auch
keine Offension erweißlich/ Vnd das die Zerschleiffung der kirchen zu Closter-
grab / wie auch die Bestcaffung der armen Leute zu Brauna / vnd was derglei-
chen mehr ist den Majestetbrieff nit angienge: Dann vnd vors Andere/ in Jh-
rer Key. May. jüngsten der gehorsamen Fürsten vnd Stände Abgesandten/
auff die Religions Grauamina ertheilten Resolution / das angeregte Graua-
mina keiner Importans geachtet / sondern dahin angesehen worden / samb in
denselben nichts wider Recht vnd Billigkeit geschehen were.

So viel nun die erste Erwegung der Stände in Böhmen Prætension be-
trifft ist es gang vnvernemlich/offentlich vnd Notorium, das die kirche zu Clo-
stergrab/allererst/da die armen Leute sol che gang auff gebawet/ der Erden gleich
zerschleiffet worden/ Ingleichen das etliche Bürger zu Braunaw in gefängliche
Hafft genommen inen die Schlüssel zur kirchen in die Böhmishe Cangelen ein-
zustellen/anbefohlen wordē: Das auch/als die Directores zusammen kōmen/vnd
dieses Religionswerck berahs blagen wöllen / man Ihre Key. May. beredet/
samb dieses Werck wider Ihrer Key. May. eigene Person vnd Hoheit angese-
hen/vnd dannenhero so hochbediönliche Befehl an die Directores außgegangen:
Zumassen dan diejenige/so der Religion zu wider diese sondere art habē/ das sie
auß Religions sachen / Rebellion vnd politische Excessus der höchsten Obrigkeit
einzubilden pflegen: Das auch/wie der Rath der Alten/Neue/ vnd kleine Statt
Prag/selbsten gestehet / man die Defensores trennen wöllen: in dē sie auß ihrem
mittel/anst die zw. ytheil erforderung der Defensores/niemanden ab zuschicken
anermahnet worden: Das man auch sol che Instruktionen gegeben/ das ohne dē
Key. Richter (zu welchem Ampt stets Röm. Catholische gebraucht werden) die
Sub-Vtraque nit zusammen kommen solten: Vnd das in jessiger Key. Proposi-
tion/die Zerschleiffung der kirchen zu Clostergrab gebilliget/vnd vor eine Reli-
gions Turbation nit wil gehalten werden: Ja das man fürgeben darff/ Ihre Key.
May. Key. Rudolphus. hetten nit Macht gehabt/den Majestetbrieff zu geben/der
selbe were vi & do/o außgewunden worden: Das auch die Stände in Böhheim
klar von sich schreiben/samb sie die Originalia bey Handen hetten/in welchen die
Jesuiten schreiben vnd rathen helffen / wie auch oben angezogen worden/
Jest were die Zeit / das Königreich Böhheim vnd die Länder zu vberzie-
hen/sie vmb die Mayestät: Brieff / Freyheiten vnd Privilegia zubringē:
Endlich/das auch auff öffentlichen Cangeln/die Religionsverwandte/zu wider
dem Majestetbrieff/angetaffet/vnd allerhandt grosse Auflagen vnd Schme-
hungen ihnen begegnen.

Das aber nun diese vnd andere hohe beschwerlichkeiten nichts anders als Re-
ligions Turbationes vnd verfolgungen seyn/haben die gehorsamen Fürsten vñ
Stände sich zu erkennen vnd befinden können / Vnd

gibt ihnen nit wenig Rumer / daß solche schwere ver hinderungen der Religion
vnd derer freyen Übung/von Ihrer Key. May. Kähten/nit wöllen vor Religi-
onsachen vnd bedrängnissen erkennen vnd gehalten werden. Worausß dann
gnugsam erscheinet/daß die Stände in Böhmen Sub-Vtraque nit vnbillich irē
bedrang der Religion anziehen / vnd solchen den Fried.vnd Religions gehässige
Kähten zuschreiben. Vnd kan numehr nit verneinet werden / sondern es ist klar
vnd offenbar/daß kirchen zerschleiffen/vmb auffrichtung der kirchen/vnd Übung
des Exercitij Religionis, die Leute mit Gefengnuß zu straffen / die Schlüssel zu
den kirchen abzufordern / vnd derogleichē obangezogene bedrängnisse mehr/and-
ers nit als Religions beschwerden seyn. Welches alles numehr auch daher
erweißlich/daß die Stände in Böhmen/vor Gott/ Ihrer Key. Mayest. vnd der
gansen Welt bekennen vnd beteweren/daß Ihre Key. May. treue / gehorsame
vnd beständige Unterthanen / sie verbleiben wolten / vnd bey derselben Gut vnd
Blut zusetzen / wann ihnen nur Asscuratton in Puncto Religionis erfolgete.
Dannhero / weiß sie keine weltliche oder politische Sachen vnd Prætenfiones
vorgeben/sondern allein vmb allergnädigst Asscuratton (die Ihrer Key. May.
zuvollziehen gar nit schwer) anhalten: Haben Ihre Key. May. so viel mehr al-
lergnedigst zuerkennen / daß es allein den Ständen vmb die Religion vnd dero-
selben sicherung zuthun sey. Gleich vnd ebenmessige beschaffenheit hette es vors
andere mit den beschwerden / so die gehorsamen Fürsten vnd Stände Augspur-
gischer Confession in Puncto Religionis die Zeit dahero erlitten / vnd fast bey
allen absendungen/ Ihrer Key. May. vnterthenigst vnd demüthigst vorgetra-
gen/auch vmb allergnädigste Remedirung angesucht vnd gebeten. Wie dann
solcher Deductionen/Klagen vnd Schrifften/bey der Schlesiſchen Expedition
genugsam zu befinden / vnd derowegen vnanöhtig / solche allhier widerumb zuer-
holen. Vnd haben die gehorsame Fürsten vnd Stände jederzeit der tröstlichen
Zuversicht gelebet/daß demselben / durch eine gewünschte vnd dem Majestet-
brieff gemäße Resolution / hette abgeholfen werden sollen.

Daß nun aber diesen Religionsbeschwerden nit allein nit abgeholfen / son-
dern noch/was hinc inde vor Turbationen ergangen/gebilliget worden/ist auß
Ihrer Key. May. newlichst ergangener/vnd den Abgesandten in Wien zugestel-
leten/Resolution mit mehrern zu befinden. Dann vors Erste/wirdt in dieser
Resolution/auff eine bloße Assertion des Catholischen Parts / die Religionsfa-
che vor ein politisch Exceß angenommen vnd erkleret. Vors andere / wirdt das
ganze Negotium Religionis nicht auff den Buchstaben des Majestetbrieffes
fundirt/sondern auff Bericht der Comissarien/vnd auff Ihrer Key. May. dar-
auff erfolgede Resolution. Da doch Ihre Key. May. sich aller befehl/Rescript/
Comissionen/Resolutionen/ganz begeben/dieselbe getödet vnd annulliret. So
ist auch jederzeit vor ein sonderes Landes Grauamen geachtet vnd gehalten wor-
den/daß man Commissiones angeſezet/nach Hoffe berichtet / vnd darauff off-
ters ganz beschwerliche Resolutiones außbracht. Welches auch Ihre Key.
May. R. y. Rudolphus / abzustellen sich erkleret / in vnderſchiedenen Resolutio-
nen An. 1504. vnd 1608. den 18. Julij / Wie in gleichem jeso regierende Key.
May. Vnd begreiffet der Majestetbrieff klar diese Wort: Auff daß niemandem
hieran etwas ver hinderliches seyn mag.

Religion
or Religi
aus dann
billich irē
gehässige
es ist klar
nd vbung
chlüssel zu
mehr/ano
ich daher
vnd der
ehorsame
Gut vnd
erfolgete
tensionen
y. May.
mehr ala
vnd dero
e es vor
Augspur
d fast bey
vorgetra
Wie dann
vedition
mb zuer
östlichen
Majestet
fen / son
/ ist auß
zugestel
in dieser
gionsfa
irdt das
brieffe
May. dar
Rescript/
ret. So
ten wor
auff off
e Keyf.
solutio
e Keyf.
anden

felch vnd Mandata gänzlich auffheben vnd cassiren: Vnd widerumb:
Bann wider solchen Religions Frieden / vnd die Asssecuration / einige
Befelch / oder etwas dergleichen / so dessen geringste Verhinderung vers
rsachen möcht / außgienge / soke solches vnkräftig seyn.

Vors Dritte / wirdt auch vor genugsam erachtet / wann eines Ortes Haupt
mann / ob er gleich Catholisch / Ihrer Key. May. die beschaffenheit (so doch dem
Religionszwang concerniret) berichtet / also daß auch darauff schwere Execu
tion erfolget / die Leute ins Elend gejaget vnd verderbet werden. Vors Vierd
te / wil der Majestetbrieff dahin gezogen werden / daß man sehen müsse auff das
Ius Patronatus, welches doch so klar / hell vnd deutlich / in dem Majestetbrieff al
ler Ort auffgehoben. Es wil auch zum Fünfften / ein Respect auff den loci Or
dinarium implicite eingeführet werden / Welchem doch die gehorsamen Für
sten vnd Stände Augspurgischer Confession niemalen das wenigste einreumē
wollen. Endlichen wirdt auch auff der Catholischen Obrigkeit berichte / mehr
als auff den Majestetbrieff gesehen. Da doch die Religions Graamina für
nemlich auß dem bestehen / daß der Majestetbrieff vor recht vnd billich außge
setzt: Daß aller Ort / vnter Geist. vnd Weltlicher Obrigkeit / Kirchen zubawen /
den Vnterthanen Augspurgischer Confession zulest: Daß auch aller Orten
in Schlesien / wegen der Religion / die Leute / wie von Emptern / also auch von
Bürger. vnd Meiste Rechten nit außzuschließen / weils solches zu Verdruck
ung vnd Vertilgung der Augspurgischen Confession verwandten gelangenet:
Da doch der Augspurgischen Confession verwandten der Majestetbrieff an alle
Orten ein freyes Exercitium ihrer Religion / mit Predigen vnd anderm Gottes
dienst / vnderhindert zulest. Vnd können hier gegen keine Privilegia / welche vor
dem Majestetbrieff die Catholischen außbracht / angezogen werden / weils alle
solche Colores, die zur Turbation der Religion Augspurgischer Confession die
nen / in dem Majestetbrieff gang abgeschnitten: Wie dann auch den jenigen / de
nen die Kirchen sieder dem ergangenen Majestetbrieff gesperrt worden / solche
billich widerumb eröffnet / vnd das Religionswesen in vorigen standt gericht
werden soll. Es werden aber diese jeso erzehlte Puncten / in Ihrer Keyf. May.
Resolution vbergangen / vnd das ganze Religionswesen / theils auff Dilatio
nes, theils auff vnzuverlässige Commissionen, theils auff parteyische berichte / vnd
auff solche Wege / dadurch den Religionsverwandten / je mehr vnd mehr Gra
uamina zu gezogen werden / gerichtet.

Nad weils dann nun aller Welt bekandt / daß dieses alles / was
bisher angezogen vnd erzehlet worden / rechte Religions Grauami
na seyn / vnd ganz vnvernünftig ist / daß so wol in Böhmen / als in
Schlesien / die Religion an vnderschiedenen Orten hart angesochten worden:
In iertiger Keyf. Resolution auch / gar nit der gebetenen Asssecuration / solche die
sen Landen / oder den Ständen in Böhmen / widerfahren zulassen / Meldung
besicht / Darumben doch bey Ihrer Keyf. May. die gehorsamen Fürsten vnd
Stände so fleissig in nechster absendung angesucht / vnd in specie die Verdrus
una der Religion sehr wettleuffrig vnd zu aller Notdurfft außgeföhret: So

16
3077
EK

Augsburgischer Confession nit verdenccken / daß sie dieses præstiren / leisten vnd halten / was sie den Ständen in Böhheim / in der Union / an Andes statt zugesagt / vnd auff so ansehnliche Ihrer Key. May. allergnedigste Clarification / verbunden worden: Weiln ein jeder / vermög Göttlicher vñ Weltlicher Rechte / dasjenige zuhalten vnd fortzustellen schuldig / was er mit gutem Bedacht / bey Gottes Nahmen / an Eynes statt / auch bey Treu vnd Glauben / zugesagt: Sonsten aber im widrigen Fall / anders nichts als gewisse straffe Gutes zu gewarten / Derer die gehorsamen Fürsten vñnd Stände sich fürseztlich theilhaftig zu machen / darneben Ihren Fürsten / Herrlichen / Adeltichen / vnd redtlichen Nahmen / Ehr vñnd Beständigkeit / in einmal bewilligten vñnd beschlossenen Hülffen / schmählich zuschwächen / ihnen keines Weges / gegen der ganzen Christenheit / dahin diese Conjunction weit vñnd breit erschollen / auch der lieben Posteritet / ohne sondern bösen Nachklang / nicht verantwortlichen seyn würde.

Es wöllen aber die gehorsamen Fürsten vnd Stände Augsburgischer Confession / htemit offenlich vor Gott / Ihrer Key. May. vnd der ganzen Welt / protestiren vñnd bedingen haben / daß allein in Puncto Religionis diese Hülffe von ihnen gemeynet / vnd gar nicht wider Ihrer Key. May. Key. vnd Kön. Person / sondern wider die Turbatores Publicæ Pacis, angesehen sey: Vñnd daß diese Hülffe außdrücklich dahin nur zuverstehen / daß die gehorsamen Fürsten vñnd Stände hierdurch sich eines mehrern / als was die Union klar betagt / vnd dar auff sie sich alleine verbunden / vñnd sonderlich dessen / was die Stände in Böhheim beschuldiget werden wöllen / So weit solches die Religion nicht angehet / gar nicht angemasset habē wöllen. Dannenhero Ihre Key. May. die Motiven / vñnd sonderlich was bey der Eylfften angegeben wirdt / auff sie die gehorsamen Fürsten vnd Stände zuziehen / verhoffentlich nicht Ursach haben werden. So seynd auch gegen Ihre Key. May. die gehorsamen Fürsten vnd Stände Augsburgischer Confession vnterthenigst erbietig / so bald den Ständen in Böhheim Sub-Vtraque, vnd diesem Lande / eine billiche vnd gewiss. Satisfaktion vnd Assuration in Puncto Religionis amplius non turbandæ, vñnd den Majestets brteff in seinen Articeln / Clausuln vñnd Puncten / ohn einige Deutung / oder andere widrige Resolutiones, vñverbrüchlich zuhalten / beschwehen würde / daß alsdenn sie Ihre Hülffen widerumb zurück fordern wöllen. Vnd thun bey neben Ihrer Key. May. die gehorsamen Fürsten vñnd Stände sich zu Dero Key. vnd Königl. Gnaden htemit allerunterthenigst vñnd gehorsamst

befehlen. Geben zu Breslaw bey allgemeiner Fürsten vnd

Stände Zusammenkunft / den 12. Octobris /

Anno 1618.

reissen vnd
katt zuge
ation/ver
echte/das
/bey Got
Sonsten
erwarten/
ig zu ma
Rahmen/
Hülffen/
istenheit/
dofferitet/

her Con
Zeit/pro
ülffe von
Person/
daß diese
sten vnd
/vnd dar
ide in Bö
angehet/
Motiven/
orsamen
eden. So
nde Aug
Böheim
n vnd As
Majest
ing/ oder
ürde/ daß
thun bey
zu Dera
rsamst

ULB Halle 3
004 808 487






...crucifir...
...crucifir...
...crucifir...

Der He
und Stand
Sch

Al. 32^a 3^a


Welche sie Ihrer Re
ben Proposition

Darinnen

Vors Erste / da
Königreich B
anders als
selb

Und dann vor
schuldig erken
in Böt
Hü

Get



V c
3677

rosel

o im
hts

h vor
den

BIBLIOTHECA
ECKAVIANA

UNIVERSITÄTS-BIBLIOTHEK
HALLE
(SAALE)

